



Progettù:
“ÉU FAÉDDHU GADDHURÉSU”
Finanziàtu da la Legghji 482 di lu 1999, alticculi 9 e 15 e Legghji Regionali 22 di lu 2018
– annualità 2021

Cumuni di Lungòni

PROVINCIA DI SASSARI

Decreto Sindacali

**RIGGISTRU GENERALI INNÙMMARU 24 DI
LA DÌ 11 DI SANTIGAÌNI DI LU 2022**

**OGGETTU: CHJUSURA PA' LA GHJENTI DI L'UFFICI CUMUNALI PA' LA DÌ 31
DI SANTIGAÌNI DI LU 2022 - FESTI DI LI SANTI**

LU SINDACU

Vistu l'alticculu 50 comma 7 di lu Decrettu Legislativvu di la dì 18 d'Aùstu di lu 2000 (Testu unicu di li legghji innantu a l'oldinamentu a l'Enti locali) a li sensi di lu chi lu Sindacu coordinighja e torra a organizzà l'orari di abbaltura pa' la ghjenti di l'uffici sitti illu tirritoriu;

Richjamati:

-l'alticculu 2, comma 1 di lu Decrettu Legislativvu innùmmaru 165 di lu 2001 chi inghìtta in mezu a li critteri di olganizzaziòni di dugna Enti l'almunizzaziòni di l'orari di silvìziu di abbaltura di l'uffici cun lu bisognu di l'utenzia e cun l'orari di l'amministraziòni pubbrichi illi paesi di l'Unioni Europea;

-la disciplina legislativa inghjittata pa' galdà lu tantu di li costi e la razionalizzaziòni di la spesa pa' l'eliminaziòni di li cunsumi energetichi sikhendi la disciplina di “spending review” intrata in vigori cu' la Legghji innùmmaru 135 di lu 2012;

Tinendi contu chi in calche ciurràta di l'annu, illi ciurràti di paratìa di ponti fra dui festi o illi ciurràti di paratìa prima di li festi, cala abbeddhu l'andà di la ghjenti e la dumanda di ricìi silvìzi ill'uffici;

Tinendi contu ancóra chi pa' cantu dittu a innanzi, **la dì 31 di Santigàini di lu 2022** si possa aé, appustendi l'ori di fa un'alta di pa' li trabaddhadóri di l'uffici, la chjusura pa' la ghjenti di l'uffici cumunali, palchì no causighja danni rispettu a li bisogni di la cittadinanza e utenzia chi comu cumbina da sempri, no anda a l'uffici illi ciurràti prima di li festi;

Intési li pareri di li Responsabbili di Settori cuncontrastati pa' chistu alghumentu;

Presu attu di la nizissità cun tuttu di esse pronti cu' li silvìzi primari e di pronta reperibilità comu illi ciurràti di festa;

DECRETIGGHJA

Pa' li muttì mintuati a innanzi, chi si torrani a ammintà

- Di impunì la chjusura pa' la ghjenti di l'uffìci cumunali pa' la dì 31 di Santigàini i lu 2022, in luni, impustendi chi li trabaddhadóri di l'Uffìci àni di fà chiss'óri un'alta dì;
- Di esse pronti cu' li silvizi primari di lu Statu Zivvili a lu 'nnùmmu di reperibilità **334 6898403**, assigurendi ancóra la presenza di agenti ill'Uffìciu di Polizia Municipali;
- Di dispunì chi lu Funziunariu responsabbili di lu silvìziu personali pensa a la registrazzioni di l'assenza di li dipendenti cun ghjusta imputazioni a ghjustificà la mattèssi;
- Di dà ghjusta pubblicitai a lu pruvvedimentu presenti pal mezu di affissioni di avvisu fattu apposta illa 'ntrata di l'uffìci e innantu a lu sittu web di l'Enti.

Lu Sindacu

Nadia Matta / ArubaPEC S.p.A.
(attu sottuscrittù cun filma digitali)